

建昌府志



建昌府志卷之二十一

人物志

隱逸

宋

米賁園

南城人
失其名

居朝天門外石橋之北江州仕曹米冕之祖當仁宗朝
道義著聞養高不仕乃賜束帛于其家號賁園先生

淳熙

郡志

危

固

字堅道佑之
子南城人



少好學以孝廉聞推先澤遜為庶人作隱居詩以見志

詩曰高士隱居處迢遙綠水灣數間玉川居七里子陵

灘出入是非外醉醒文字間千鍾天子祿不肯換清閑

元簡肅公薦其文除將作監主簿趙清獻公復薦之召

試館職皆不就景泰郡志堅道情致如陶淵明序事如白樂

天視廬仝孟郊輩力與齊而工倍之黃次山撰文集序俱正德郡志

鄧仲甫潤甫之弟南城人

元祐中舉遺逸不仕賜號和靖先生出新城縣志

聶銖字積道子述之後南城人

隱居盱水不求聞達以道菘相尚朝野鉅公聞人

見焉或勸其出答曰吾讀祖父書樂堯舜道平生之

願得矣出處之際非吾所固必也景泰正德郡志

元

陳子野南城人

隱居藍田山谷懲元季士風之侈不求利達惟畊田讀

書以道自樂終歲不入府城慕其名者多願相從至名

其所居曰陳坊

鄭堦號蘭坡南城人

公宦家子無執務習尤工詩作諸字體咸精而大書尤為世所珍愛郡守欲致之作字禮意弗周遂不赴嘗遊洪州謁孺子亭浩然歌曰當時肯受玄壘聘玉淵珠價有憑人以是占其所嚮往矣

正德郡志

車廷松

字良節號白江南城人

體貌清癯飄然遠度日居白江樓上閉戶讀書不通戚里絕旨酒薄嗜味淡然約素督學趙公竹岡遂致禮嘉獎先生愈自淬礪至郡守石梁王公而下五六郡侯躬親禮訪不一而足注中塘王公扁其居曰白江

涂建可

號菊隱新城人欽敬之祖

信謹工詩當元至正之季不欲以言語文字自表著村門避世開畦種菊與潘東臯席梅村李南浦以詩酒氣節相高名黎川四隱

元季又有涂生可者與妻偕隱于長興村庄種松成園自號松隱出

縣志不知是一人兩人也

潘德章

號東臯新城人

淳謹好書史近所居有田數十畝日吾耕讀于此足了一生矣

席英

字俊仲號梅村新城飛鸞司巡檢謝官隱於邑河東

天資曠達尤好吟咏環屋植梅林塘幽勝門無雜客

李耐甫

號南浦
新城人

和平無競性好幽偏足不至公庭

翁漢傑

新城人元徵
富州學正

年三十方讀書四十明經成大儒閉閉不納客吟咏自

適

涂德賢

字子尚
新城人

竭力事親洪武初舉賢良方正聘為訓導皆不就家
晏然平居言不出口鄉人以訥齋稱之

涂

淪

字維新號中山
小隱新城人

少孤厲志問學博覽強記好吟咏孝友性成居鄉恂恂
樂道人之善里有疑獄縣丞陳員韜以書請曰先生

德厭人願得一言而決淪陳說無隱訟以得平

許文

字郁文號蒲軒新城人
宣德中以文行舉不就

志趣高尚不甘諧俗與人落落不合隱居讀書雅好唐
律安貧守義於勢利淡如也

余公理

南豐人號
詰古先生

好古篤學而不以資進取年甫四十即以家政付其子

非有事不入城市孜孜討論老而益篤扁其齋曰祛古

何椒
丘集

曾宓 廣昌人

性務重寡言笑隆冬盛暑不廢讀或曰子不應舉讀此

奚益宓曰吾知聖賢行已之道古今治亂之迹足矣何

必為利祿計耶 載正德郡志

魏能容 字什臣號洞谷瀘溪人明崇禎庚午舉人

居貧教授生徒三十年不受選清風亮節當道稚敬重

之講學外語不多及與同志孝廉王拱盤俱為邑人

義善

吳伸吳倫 南城人俱太學士

紹興甲寅之歲發其私穀四千斛以應詔旨而大為屋

以儲之其條約蓋因崇安之舊加詳密焉鄉之隱民有

所仰食無復死徙變亂之虞 朱文公熹撰社倉記 後其裔孫昱

昱子炯復修社倉及設立津亭 張文僖記正德郡志

鄭和卿 字伯安南城人

元時人以慕義稱于鄉里人曾壽避兵出境為邏卒所

獲將就戮過其門呼救和卿傾橐脫其死又路逢一人

仆地哀號詢知為盜攫去銀數十兩母病無計存活和卿即依數代償之歲大飢民相食造門求食者量力與之其路遠不能至者遣人給票帖聽其支取無一吝色

正德郡志

黃有仁

字新甫太學生官州同知

績茂循良致隆恬隱夙厚樹典型以矜式諸人更樂施

賑恤而佐成大政

湖東兵備副使戴燥贈言

賦性簡默厚重和易安

閑從余講學綽有古賢哲遺踪居恒孝友天植仁慈夙成即今年春天災流行饑疫相尋郡邑餓殍盈村骸骨

徧塗偕其仲子鳳陽出帑金發倉粟施棺給粥無筭備

所謂富而好行其德者非耶

大叅羅汝芳序畧

黃隆

南豐人

富而好行其德歲饑賴以救活甚眾餽餉禦寇全城之

功尤大

南豐縣志

鄧瑜

字宜清新城人

嘗發粟賑歲饑官表其門曰彰義坊為學宮造橋造門

又割田二百畝以助今學田尚存義士之名尚在而子

孫無復知者

楊本立 行名福八 新城人

捐貲數千助建郡太平橋太守謝公名日本立天順二年又捐米六百石賑饒州之荒詔立旌義坊

楊思庠 字懷簡太學 生新城人

萬曆甲寅邑大饑石粟千錢慨然曰貸而取之則賈怨平價矣而不覈貧富則惠不下施乃平石以四親覈中下戶零碎出之度其家足食則已人不能多買一升高估與轉販者皆廢如是平石以四者終其身三十年不少變壬申丙子壬午邑游饑率諸子施粥以賑廩竭將

止時長子居魯病懇呼弟居吉至曰夢神謂余邑尚有二百餘人生死待爾家而决太學悟立出重價買米以竣長子居曾好捐財為人排難濟危沒後有來赴義者其子常愕不知自言其故乃受之

傅震 濶溪人

正統八年南城大饑官發藏殆盡震出穀一千二百石用助賑濟賜勅獎論

材藝

廖應淮 字學海自號溟洋生 南城人宋末布衣

義善

抱負奇氣好研摩運氣推移及方技諸家年三十遊杭
扣關投匭疏丁大全誤國狀配漢陽軍荷校行歌出國
門道傍人嘖嘖壯之遇蜀人杜可久于漢江濱禱營將
爲脫其戍籍授以邵子先天易數其笑由先天起數應
淮神警一問輒了道士指畫未到輒先意逆悟道士目
以爲不可及常坐臨安樓市大衍卜卜已輒閉樓危坐
取一髮按劍自鍛之當火少休則危坐以爲常嘗過殿
院會淵子家索酒飲酣抵掌放歌坐者皆詫見賈似道
直言宋鼎將移語畢亦徑出國子監簿吳浚以先天易

筭陰符經六花陳法欲上之應淮擲其稿于地曰誤大
下國家者此書也浚欲從之受易罵曰大莫大乎範圍
精莫精于曲成若黃口兒可以語此人皆邵子矣後以
其數學授進士彭復之以傳鄱陽傳立云應淮論後天
尊羲畫爲經姬辭孔繫爲傳黜文言彖象爲九師之辭
又曰說卦非聖人不能作繫辭上下傳顛門人說計耳
序卦直世儒之陋談遊宣歙十年著元元集曆髓星野
指南象滋說會譜畫前妙旨約十萬言其爲人尙氣使
酒難近見易說傳疏不問淺深輒訕笑以爲樂卽程張

不免宋文憲濂以為廖生聰明絕人而未聞道卒局于數云嘗為之贊曰睠生之為胡乃神以著微之古聖匪程伊度何以言之卒淪于數一曲之淹不通其故易道既泯數亦不顯激贊于古發我長喟月出皎今在天之心在天之心何古何今宋史本傳

趙瑄字文英南城人官至太醫院御醫

予見其察脉斷證皆應手發藥無少疑滯而多奇中有名效意其非專門名家不能及西涯文集予始來京師即聞御醫趙君名負痾求療者無虛日不問貴富賤貧皆竭

力應之報不報不計也邃庵文集

樊胡字鶴齡官益府良醫正

日讀神農黃岐書方脉神異四方問疾迎醫踵迹交道嘉樂豈弟急人之急不避昏暮蓋儒醫也舉人夏寶撰墓志

程式字心源南城人各醫著有程氏醫殼

研究素問次及難經脉訣洎張劉李朱四氏之書故診治適宜又搜其喫緊者著之編帙俾學者識經絡明病機若登軒岐之堂入盧王之室踵張劉李朱之門而相質證焉

張榮

號繼川
新城人

四世祖福興成化中以幼科薦醫孝宗獲殊寵官太醫院使致政之日太學士劉珣等賦詩以贈榮能世其業崇禎丙子壬午復出米賑饑鄧公澄作仁壽篇贈之

朱常洵

號本源
益宗室

善畫禪像其傳彩全法吳裝行筆如蓴菜條嘗云過粗更難於過細蓋深于張陸也與華山郡王心源先後名家心源工于龍師孫遇而兼該六法雲飛股斷意勢自會奉新郡王文漪亦以行草名讀書禮士綽有河間之

風

馬

徵

字鵬揚南城人
進士煥賓之弟

寫大士有月映萬川衡開九面之意馬師伯時若秀老見之又呵為賢劫墮矣

梅慶生

字子庚
南城人

章草小楷工力悉到善詩嘗遊曹能始潯陽署中鍾伯敬寄詩能始兼貽子庚云匡廬邇不至而非心所悲梅生從子處六載今孤睽同時王謙字鳴吉崑工篆隸圖章皆布衣之有聲者

王秉揚

字叔彛南城人郎中懋中幼子郡序

工詩賦古文詩尤工行草半幅留今矜為拱壁

何喬福

字廷錫廣昌人

率意為詩歌皆有可取寫花石禽魚悉臻其妙墨竹尤佳田夫村叟求無少靳晚年益精草書

黃敬止

字聞義廣昌人歲貢庚辰特用官知縣

性聰敏居恒飲人以和而揮毫濡墨輒傲岸無前著心經註疏六書同文間寫墨竹神妙至今獲其寸縑珍為拱壁云

僊釋

蔡

經

東溪南城人

王方平過其家語經曰爾生命應得度世然爾少不知道今氣少肉多未得上天法當作屍解耳屍解一劇須臾如從狗竇中過也告以要言乃委經而去經忽身體發熱如火欲得水灌舉家汲水灌之如沃焦石如此三日中瘠耗骨立乃入室以被自覆視其被中皮頭足身具在如蟬脫去後十餘年忽還家云七月七日王君當來過至日方平果來其日蔡經家作數十斛飯羅列庭

中方平去後經家所飯皆盡亦不見人食之以上出列仙傳餘詳

見顏魯公仙壇記茲不贅○淳熙正德郡志

陳尉居蔡經家舍之北不著名字

當罷尉時聞經家有神僊乃請求見便乞得隨得從驅

使欲比於經方平令且起向日立從後視之曰君心邪

不正難終以仙道當授爾地上王者之職臨去給以一

符并一傳着小箱中言此不能令君度世可令竟君本

壽出百歲也後陳尉壽至一百一十歲或有道士言後

數十年蔡經復暫歸家方平有書與陳尉真言書字廓

落大而不工先是人無知方平名者因此始知之今陳

尉家世世存錄方平手書及傳符小箱盛焉列仙傳○淳熙郡志

鄧思瓘號紫陽南城人隱于麻姑山

開元間詔求方士本郡以思瓘應辟帝雅重其言思瓘

甚厚常用使神率討西戎之犯境若雷霆變化時稱為

神人後感虎駕雲車之異奄忽而化歸嶺本山侄德誠

少穎悟常隨紫陽侍內禁玄宗奇之曰斯子必為教主

以巾簡授之石堡頗為邊患乃燃燈七以象北斗焚香

瞑祝一燈飛勢若流星石堡之城為灰燼矣從孫延康

天機玄挺法相冲雅葆神茹氣澹然與天倪合墓志○俱淳熙

郡志

王文卿字安道宋宣和間賜號侍宸真人南城人

宣和初渡江遇其人授以五雷法揚州旱詔求雨師曰

帝命禁江唯河未禁乃仗劍噴水曰借黃水三尺後揚

州奏得雨水皆黃濁自書棺曰此身是假松板非真牢

籠俗眼跳出紅塵書畢卧棺中是夕風雷交作厥明視

之已解化矣景泰郡志在京能治離魂婦人事載雜錄出葵堅志

毛道人失其名宋時南城人

年少不娶父母旣終翩然遠隱三十年方還寡言笑屢

同客復坐一伸欠則光自其口出富家慕道者杏無一

言與之善者怪而問之曰吾藜藿之腸何能階膏粱

之腹與讀書人掉書語哉其意乃拒之耳慶元元年坐

亡於南豐逆旅焚化時骨皆連環不斷仍得一物如錢

大色白如玉雪堅而瑩隱然通明有人形跣跌而坐葵堅

志

胡古厓明永樂時新城人

仁宗鎮南畿時微至命禱旱應時而雷雨作嘗建醮群

鶴繞壇上異之欲受其術乃以清虛非王者事對後北
迎嗣統欲偕行懇乞歸命主武當山有袍笏之賜又賜詩云

三島千年客四海一閑人殘藥活鷄犬靈香出鳳麟饑

食石中髓因卧天邊雲道遙玉清境榮遷金簡文月白

風清夜相期泛蓬瀛世方集

大腹子不知何許人自稱其名

萬曆乙亥丙子嘗遊盱中日乞食城市言人禍福多中

痘不知所止每便溺輒口接管不使遺地言多拓落不

羈所乞錢米隨手轉施羅近溪先生知其非常人亦禮

敬之後不知所終

窰僂臨川人不知名姓

嘗居窰中萬曆己卯雲遊麻姑三月草衣木食人有叩

之者輒大棒逐之每云我乃無知乞人何故苦苦纏我

人施錢布不受後有人于廬山見之

甘疑字雲隱晚唐冊陽人移家南豐

有奇操舉進士不就為神仙之學其後卜宅軍峯之下

歲早以破竹畫地為環各置其方令童男女轉之隨所

轉而雷震已而大雨或久雨則為冊書焚之立霽一日

召家人前曰後四十年當有聖人出天下復平爾等無
忘忠孝言畢而逝後宋祖隆興其氏登宋進士者十有
五人明通籍者十有二人御史霖副使蘇其裔也

河南子

不知名姓新城人
自號日峯道人

嘗于日峯山遇異人寶祐間羽化身軟如綿或謂其尸

解云

景泰正
德郡志

又嘗為程公鉅夫幹使一日齋帖往南豐

戚屬家便入郡城南忠清廟壇石熟睡少頃探懷中覆
書以對墨跡未乾程公異之尋逝去今名其石為卧仙

石

載南城
縣舊志

惠南

住持資
聖寺

建炎間聖節顧左右曰諸人還知麼夜明簾外之主萬
化不渝琉璃殿上之尊四臣不昧且道正恁麼時如何

行履野老不知黃屋貴六街慵聽靜鞭

上弘

姓饒氏南城人從南
嶽大圓大師具戒行

唐大曆初肄荼景雲寺與姜相國公輔刺史顏真卿本
道廉使楊憑韋丹友善善講四分律坐甘露壇度男女

萬餘人白居易作景雲禪師塔銘

淳熙
郡志

龍牙和尚

姓江氏宋
時南城人

作半身寫照其子報慈正化贊曰日出連山月圓當戶
 不是無身不欲全露二老洞山悟本兒孫也故其家風
 機貴回互使不犯正位語忌十成使不情今時而正化
 匠心獨妙語不失宗為可貴也

洪覺範林間錄
 ○正德郡志

崇 儼禪師

得法于石霜楚圓和尚住太平禪院升堂之日會者萬
 計師據牀安坐如鐘之鳴如谷之響重昏宿霧冰解雪

釋見傳燈錄李
 觀太平寺記

有 誠字無妄逸其姓
 任南城崇聖寺

善講萃嚴經宋治平中自南城赴張公安道之請講於
 東都左街萬歲院後任東都覺嚴寺講華嚴經歷席最
 久學者依以揚聲其為人純至少緣飾高遠行識近世
 講人莫有居其右者

洪覺範林間
 錄淳熙郡志

可 遵

放懷不羈得大自在尤善滑稽雄辨絕倫凡篇章率意
 縱筆皆中於理常題溫泉詩云直待衆生總無垢我方
 清冷混常流東坡見之續一詩云石龍有口口無根自
 在流泉誰吐吞若信衆生本無垢此泉何處覓寒溫後

遷寂于章山

淳熙郡志

景

祥

姓傅氏南城人永新令翼之子

少警敏嗜學廣記有道人琦者說法靈鷲祥往聽之

乃悟削髮參禮名師受戒後進明湘真如法席心法益

明不受人事者十餘年四方迎請之書踵至俱不受建

炎亂避地天台不得已從閩帥大吉山之請行未越境

為范丞相挽留奏居浮山久之出其古衲并書付其法

嗣法昇跣跌而逝得五色舍利目睛齒舌皆不壞及數

珠存焉王彥章撰塔銘

淳熙郡志

行

保

住天寧寺南城人

幼慕禪教入慈真院為僧戒行老成言內心明洪武中

任持演法天寧寺大振宗風叢林歸之後舉天下高僧

十一人行保與焉

一統志

溪

明

號月堂南城人天寧寺副都綱

其像贊云此真寫月堂者名墨也居墨也官與服亦墨

也若其心儒也行儒也詩與畫又儒也墨可寫也儒不

可寫也嗚呼月堂墨而儒者耶儒而墨者耶

太常少卿夏良勝贊

正德

郡志

孤月

廣信月峯山名
僧曾遊從姑山

寡言語不事浮談常以一句一字點化人得其說者惕然心服萬曆中居從姑山數月靡不願接一談後欲返山中道經項山寺隨者百餘人邀入寺境談所聞師欲坐化乃沐浴更衣作偈以示衆曰昔大未曾生吾今權示滅雖然現涅槃幻滅真非滅頌畢竟往方其欲化之時弟子無像心撒撒然動盡在往至則第拱手而化及化之時像見烈焰中異光一道上逼斗牛間無像檢骨於瓦瓶中得舍利一顆晶光燁然懷歸墓章山寺

無名

南城人本
郡庠生

自幼不飲酒茹葷酷信內典食郡廩二十餘年嘖嘖有聲因參悟法旨遂與無相無來同時披剃弘闡正法開教廸人叢林尊信合郡宗禮之

無來

南城人

幼抱宿根長多靈慧得五通智具大辯才不襲珪組家風而超然棄俗品可知矣

無像

未考何許人乃孤月
之高弟住持章山寺

戒行精嚴內典超悟通儒術著有聖門心學一卷益王

召之任持章山寺本寺廢弛四十餘年地基半入民間自師至民多感悟復還地畝五十餘丈

慧經

號無明爲壽昌開山祖

九歲入鄉校卽問浩然之氣是個甚麼後偶見金剛經閱之如獲故物出家依廩山忠禪師後任靜峩峰闍傳燈大好山公按疑情頓發一日因掘石石忽裂大悟作偈曰欲參無上菩提道急急疏通大好山悟後始知山不好翻身跳出祖師關呈廩山山印可復遍訪長老歸任寶方次遷壽昌時寺殿宇寥落十年之內百廢俱興

先是西竺有讖云壽昌好牧牛西竺再來遊師至果符其言年七十猶執勞負役天下衲子多望崖而退師中興洞宗當唱道時海內宗風寥寥所以憨山大師贊云向禪宗淡薄今幸見和尚標格爲向上典型

道

盛號覺浪壽昌嗣法

年二十因祖父亡遂疑人死何往一日自館歸忽聞貓有省禮邑之夢筆識元公出家掩關三載後閱高峰馬祖機緣乃大徹先謁博山老人受具于董巖次參東苑和尚于書林苑問云那裡來師云董巖苑云聞博山在

董岩提唱維摩經是否師云是苑云只如彌勒得一生受記作麼生師云大有人疑着此事苑云你又怎麼去師無語一日師與苑圍爐次師問苑云古人道劫火洞然大千俱壞有云壞有云不壞此意云何苑云你又怎麼來師乃服膺久之復隨苑見壽昌老人重得印證又再見博山師得瀆後遍遊兩浙三吳乃入楚過黃州開法龍湖禪寺丙子至匡山黃元公請師住持壽昌掃瑜畢就寺開堂至壬午復歸匡山圓通有語錄二冊元公序行于世名新壽昌語錄自開法以來主盟海內有語

錄及著作五十二種

真顯 號桂轂住妙法寺

受薙于貴溪孤月盛公示以苦行為先忽于北斗向南看有省于是遍參諸方疑團水釋遁跡匡廬三載北游燕京李太后供師彌陀寺賜紫南還天啓辛酉應新城妙法之請與鄧公來涉溪契門下雲奔水赴動以萬指垂四十年如一日

大成 號竺二庵

幼七歲能詩初薙髮南嶽閉關十年一旦禪理大悟卽

參博山又十年而拄錫栖霞以文字名禪或一題數十篇或一篇數百韵金陵士大夫讀其詩者多敬重之間壽昌火中在披緇起慨然曰此我老祖道場也可令心燈不續晨鐘暮鼓竟爾絕響乎遂草履跋涉至壽昌見昔宮殿巍峩白雲半榻之處今漸成荒丘為茂草矣與鄧來沙先生募貲謀建蓮甃踏泥聿新堂構數萬金費不三載而告成功今壯麗若王居使壽昌宗風丕揚而木墜者皆竺庵經營之力也著有會聖堂集指擬錄及攝山南嶽諸稿傳世

建昌府

之二

人物志

列女

貞女

丘沈妻貞女吳氏

南城人未婚守節勅建坊在二十三都舊志

李貞女銀瑛止瑛

南城人承父湮縣令范濂表而坊之

嘉靖辛酉避寇巖中望見前巖婦被擄並赴塘死

萬曆舊志

益宣王第七女

勅建坊郡城南

益將軍朱存源女

勅建坊郡城察院前

李貞女貴姑

南豐人

幼讀孝經小學能通大義為賊所逼奮罵不從遂磔殺

之時年十九

吳貞女友弟

南豐人

吳姓避寇守荷石砦寇攻急女年十五曰吾處女不
見賊伯叔慰以金贖或可免女曰擄而復贖雖生何
與兄嫂傳氏同奮身投厓而死

南豐縣志○傳氏見烈婦紀

樂氏二女

南豐人

父以鬻果爲業紹定初廖寇入境父買舟將趨建昌及
行而寇至掠其舟有二女在寇悅而逼之俱不從曰寧
死不受污辱其一赴水其一見殺

一統志系家二女芝蘭

秀愁眉側足林泉逃凶渠得之時欲亂瞑目大罵且悲

號水姿誓不染污穢白骨甘自理蓬蒿

河東園詩

粉娘

南豐人

曾塔卿女年十八值元季紅巾賊亂賊掠去迫至吳家
坊橋粉娘竟不過賊挾之上馬卽仆地大罵曰我良家
子豈汝從賊怒極死之

南豐志

揭貞女

廣昌人

幼失怙恃鞠於兄嫂未笄值元季亂同兄嫂避兵相失
姑獨抱兄子窟身荆棘兒啼爲邏卒執悅其貌誘之不

從復挺刃劫之奮罵遇害寇退嫂得其屍色如生犹抱
兄子不置既長讀書好義語及姑輒涕泣君子哀焉

● 兒莫啼官軍知嫂也避軍而棄之小姑抱兒泣路岐官
軍曳之誓不隨快劍雪落腥風吹嫂來抱兒去姑橫草
間屍兒今老大不勝悲滴血自書墳上碑安得載姑名

青史有光輝君不見元兵南下日抱溺趙家兒

南城黃叔美詩

● 生員毛詩女

名配英廣昌人

議配何中德未于歸而德故女日盟而背之俗女子耳
我豈忍未亡身而醜顏對人耶遂歸何坐卧一室行不

踰闕衣縞茹素苦節自其事嫡庶姑無間言庶姑病湯

藥親嘗旦夕籲天願以身代既卒會嫡姑病女事嫡姑

如事親姑及病亟慨然日吾疆生二十年餘為一綫未

續一姑在堂耳叔氏竝舉二兒是天有意吾夫也吾撫

之十齡庶幾疆自立二姑歿吾何以生為哉遂絕粒不

食殉姑而亡聞者莫不哀嘆御史趙耀請于朝旌其節

御史趙士登請于朝旌其孝

吁嗟乎毛貞女稜稜氣節橫秋宇少小溪閨不見人靈
臺光徹天無雲手持一卷列女傳首尾把玩失昏旦父

毋擇婿得名家視身素潔羞春花西風一徂損連理願
 將薄命從今止萬論千防及一年誓必哭奠夫君前撫
 木大慟幾屢絕酬酒盟心荐心血夫君不幸未委禽妾
 身聞命先委心此身若在天地間此心不動安如山百
 歲光陰一瞬息他日地下相從覆白壁四方觀者聞其
 辭莫不涕泣而歎歎皆云節婦至難得未婚守節尤奇
 特只爲心中不負初女流烈烈稱丈夫君不見吳季子
 徐君觀劍會心許上國歸來過其墓脫所佩劍懸于樹
 寧論徐君知不知我知我心奚忍遺劍光在樹星斗寒

延陵心事今猶傳乾坤萬古心不死成男成女皆如此

假令盡是貞女心世上紛紛好男子

何源詩

強生成何事姑亡婦亦亡名同蘭不滅志以日爲霜載

筆光彤史瞻墳似首陽但觀貞女傳香酒未曾嘗

黃豈言詩

烈婦

李萃妻胡氏

南城人

萃商于外姑易氏好淫胡謹避別室姑惡笞之逼嫁胡
 慟哭不行直投井隣婦援之易愈怒絕其食復用沙壓
 殺之邑長曹公達上其事賜謚哀烈廟祀

員外李喬志

文欽二妻羅氏

南城人

欽二病篤家貧無子遺囑改適聞命慟哭誓以死殉水漿不入口撫柩而卧枯槁無人色逾九日而卒

正德郡志

劉淳妻周氏

南城人

歸淳二載夫表自誓守節越三歲母私聘于南豐譚姓者氏聞沐浴更衣徂溪自縊

正德郡志

黎濬妻胡氏

南城人

慟夫客死不食者七日自是絕脂膩卻麗飾不輕出廳堂不與喜燕不與僮僕之冠者言苦守六十年八十而

卒

南城縣志

生員熊吉妻王氏

南城人

吉疾困顧謂王曰爾少且無子盍早爲計婦誓曰卽死不恐離也翁姑之養有伯可寄吾可無生遂自縊先是獻吉疾劇婦命作大棺人莫喻其意至是果如所言奉

旨建坊

南城縣志

生員劉三善妻胡氏

南城人

少有慧質通古人懿行三善患痢疾臭穢不可近胡竭
力事之旣卒蔬素誦佛晨昏就靈几燃香將善遺一禍

衣膿血漬汚改以自服期於服闋方死服未半舅姑苦欲改適之早起誦佛經叩首數四沐浴更衣遍縫衣履

自縊而死奉旨建坊

南城縣志

李樂妻胡曾氏

南豐人

年二十三賊至與樂扶父母携子女奔五都舖嶺山賊勢逼會語樂曰力疲矣君先扶舅姑行吾携子隨後俄而賊至執之以行曾罵弗從賊怒殺所襁褓子劫之曾遂挺身躍投厓中猶罵不絕賊以鈎輓之砍其頸雙目炯炯不瞑移時賊去樂撫而哭日若得死所矣目遂瞑

程瀚撰傳

正德郡志

胡泰妻趙氏胡綦妻符氏

南豐人

二氏同侍其姑陳庶姑齊避賊于鷄公坪陳老而體重難前二婦及庶持掖不忍去遂遇賊驅之上道趙與符奮罵趙聲尤厲賊怒先殺之時符一子在傍乃携兒掖姑再行三里許至管家橋上流見水深洄給賊曰渴甚欲飲水遂棄子赴水齊亦相繼而溺賊怒中數鎗而死

正德

郡志

吳詠妻胡氏

南豐人

生有女德賊至與姑同匿山林其子請移姑別所冀不逮胡從之既而嘆曰婦事姑當不遺左右率子詣姑所未幾賊至胡佯若許從賊者賊遂引去姑因得全胡復給賊曰吾隨汝去請釋吾子令取金以贖賊信而遣之度其子去遠遂投赴絕澗賊引鎗連刺之死

正德郡志

馮紹綱妻盧氏

南豐人

年十九歸綱一載而卒富民劉姓者賄其舅姑欲娶之姑諷之盧佯許可徑詣夫墳所縊死連桑樹下

縣令楊參禮葬

于墳傍正德郡志

鄒宣讓妻張氏

南豐人

年十九歸鄒三載夫卒盡以所藏服飾為殮是夜紉衣哭不輟家人莫測即於房梁縊死次日棺與夫喪並舉

正德郡志

胡進妻丘氏

南豐人

流賊破縣丘被擄于天心堂號聲震天賊擊以刃卸衣延頸略無畏態連揮二刃而死

正德郡志

江秉德妻黃氏

南豐人

年二十孀居辛勤紡績被執于賊刃加其頸大罵不絕

賊置刃且誘且勸黃便奪而反刺之傷其肩賊大怒支

解之正德郡志

吳麟瑞妻李氏南豐人

男絲被賊擄李乃佯命絲取金爲贖賊釋之行至坑口

湖遂投下賊奮力刺之而死吳璧妻鍾氏亦同遇賊鍾

堅坐不起賊恐之以刃鍾慨然求死亦殺之正德郡志

謝尙顯妻李氏南豐人

年十八與姑陳氏同避山中賊搜獲之驅逼而前李時

一子在抱至亂石嶺遇隣人盛鸞者遂以子付之行里

許經一石池婦姑相携而下賊各刺數鎗而死嘉靖郡志

曾 闔妻李氏南豐人

夫死守義治家勤儉養八十翁無遺禮至元壬午菑蘆

峒寇千餘猝至里婦多被掠翁遇害李大罵不從以手

束髮受刃而死正德郡志

吳宗澄妻傅氏南豐人

流賊攻荷石砦急傅氏拜告于夫曰汝善事姑毋我爲

慮節孝固難兩全言畢同澄妹友弟投厓死縣表之曰

一門雙烈南豐縣志

魏 寵妻何氏

廣昌人

寵死婦年二十五志不改適流賊入縣家衆各奔何携

其子走依母氏遇賊執之慟哭不從投壩下而死

正德郡志

劉 祥妻黃氏

廣昌人

家貧甚紡績以資姑養祥卒橫民聶姓聞其貌賄其父

毋舅姑欲娶之遂赴水死

正德郡志

生員李邦植妻幸氏

廣昌人

植疾劇與兄樞曰婦少無子何依幸泣自縊家衆救之

得不已植卒水漿不入口數日侍婢出就外事遂縊

官爲請旌度地營塚偕葬于東洲外之接官亭巡按御

史唐公龍祭文畧曰藥毒可糜其柔腸不足以鑠其剛

義短縋寧甘乎自經人只豈量乎母氏一死不渝三綱

由繫彼孱婦狂夫偶同蚊蚋而生亦隨甕盎而斃惟爾

烈婦之貞寵承風紀之責

江西通志嘉靖郡志

高宏妻揭氏

廣昌人

宏以較藝卒建昌聞訃遂逆于邑之東門外哭畢遂自

肩輿觀若男子素歷者旣殯朝夕哀哭屢絕而甦越月

餘自縊時年二十八邑令袁仕鳳奏旌表復其家

正德郡志

生員姜妥妻賴氏 御史賴瑛女 廣昌人

年十歸妥越二年妥病度不起顧謂賴曰汝年少善事人賴泣曰君若不起即相從于地下妥卒七日賴梳洗

具衣服自縊死 正德 郡志

何永孚妻李氏 廣昌人

年十四嬪尚書何喬新子永孚越二年夫卒柩前兀坐而哭甃為之刲姑病朝夕祝告請以身代姑疾弗興李哭曰吾所不亟死者為姑也姑既逝吾何生焉哀慟嘔血而死 正德 郡志

生員黃鵬妻李氏 廣昌人

正德辛未流賊破縣李出亡於牛鼻嘴賊執欲污之罵曰我儒家婦不幸被汝執欲殺即殺豈汝從耶賊復持其子刲之李亦不顧仆地求死賊挾之上馬罵愈厲遂刃之邑令梁榮作詞哀之遣禮祭其墓令黃德純福貞

節于門 正德 郡志

吳瑀妻黃氏 廣昌人

年十七嬪瑀越二年瑀卒刺血寫書焚柩前與相從地下飲毒自縊兩為家人解之自是不出閫不就榻非祭

餘不食哀毀骨立至絕時猶不忍易表衣連呼夫者二

正德郡志

黃佐妻李氏 廣昌人

佐卒哀毀骨立妯娌意其必死每相防守越半月李乘

間自縊于寢室 嘉靖郡志

賴公繚妻黃氏 廣昌人

年二十歸公繚二月公繚疾將不起顧黃而泣遂許以

死及沒黃入密室自縊以殉邑人能文者咸賦詩以哀

之 嘉靖郡志

徐汝寬妻唐氏 廣昌人

名丹桂喜讀烈女傳栢舟諸什十七歸徐徐讀書得羸

疾崇禎甲申死死時執婦手吾累子子宜別終所天唐

曰毋憂君前數武耳踊號失聲殮訖執紼赴窀穸屬瑩

者虛穴以待歸慰徐父母潛沐浴理櫛內更新衣外服

纒經出拜靈牀入自經于梁後于衣帶中得刺血遺母

數字曰婦道已盡無忝所生○收拾香奩翡翠鈿北邙

雙塚草芊芊為慚前路無忠鬼獨抱貞心到九淵○薰

質魯將錦字裁只疑柳絮謝家才誰知衣帶留遺字不

讓文山土一坏捐恂詩

饒于鼎妻李氏廣昌人 國朝旌表建坊

十六歸饒止生一女夫歿之日親治喪具囑工虛穴以待姑竟之日吾年髦女又穉若死吾死女亦死是三死矣爾夫九原實亦傷心乃強理家事躬績養姑姑女相依爲命者六年姑疾歿哀毀骨立越歲餘女復天李持刀曰夫死吾當死姑死吾當死女又死吾何生哉遂入室自刎事聞特疏○題 奏奉
旨建坊旌表

節婦

艾 璋妻吳氏南城人

吳氏女艾家婦哭其夫裂其墓昔有杞梁妻哭倒長城

土吳太守歌 與其生而媿孰若死而安生順死安節婦以之

吾推其志神明可通金石可貫直足以挽頽風而激薄俗非細故也今有至墓者見悲風四起寒木陰森凜然猶有生氣是節婦雖死而不死也謝太守節婦記俱○正德郡志

甯顏孫妻危氏南城人

稟性貞潔旣笄歸顏孫未幾顏孫卒時年二十七翁姑

老而子幼誓不二夫勤紡績以資養姑歿營葬盡禮守節四十四年而卒洪武二十四年旌表

景泰正德郡志

易 泰妻程氏

南城人

自幼德聞宗族父母擇歸于泰克執婦道未幾泰疾亟

乃晨昏顙天求以身代既歿欲殉親族以子幼勸止之

去華飾事織紉以給衣食故易之家得以不墜洪武二

十五年旌表

景泰正德志

張孺文妻劉氏

南城人

孺文早逝時年二十六嫗戚憐其子幼家貧咸勸改適

劉氏以不活為誓朝夕悲號遂喪明守節三十餘年正

統三年旌表

景泰郡志

孝道毋儀上下交盡舅姑以天年終

喪葬如禮

楊文定公集

海水陰風日枯桑歲晚詩四序有推

遷寸心無改移

何東園先生集 俱正德郡志

江仕崇妻李氏

南城人

仕崇卒李氏時年二十五誓不再適孝養翁姑舉動無

違禮守節四十四年成化元年有司具實以聞

節婦記 正德郡志

嵇 顯妻周氏

南城人

既笄歸顯顯卒時氏年二十八子傭弱甚或勸其他適

者卽泫然曰苟如是未亡人何以見夫君於地下守節

五十二年爲子娶黃智之女生孫男福祖再斃而偉死

黃氏如其姑以志自厲凡二十六年人稱雙節焉

節婦碑○

正德郡志

甯復興妻吳氏

南城人

天姿柔順善於女工父母擇壻得復興焉復興逝子本

尙在襁褓吳氏時年二十一孝養翁姑得其驩心撫教

遺孤底于成立守節二十一年

節婦碑○正德郡志

連忠信妻劉氏

南城人劉仕和女

年十八納忠信爲壻生子名恭方一歲忠信卒仕和諭

之曰吾以汝爲嗣汝夫不祿孤弱未必成人爾圖之劉

應之曰天將福吾父耶未亡人之孤足以承祀也矢志

不奪後允恭之姓日蕃而劉以七十七歲而終

連仲緝撰傳○

正德郡志

何有隣妻符氏

南城人

居家未嘗輕踰戶閩頗讀曹大家女戒等書父尚全擇

壻無可意者已而適有隣未二暮而有鄰卽世逾數月

始生男清符氏時年一十九勤儉克苦孝養舅姑訓飭

其子凜然無霽容守三十四年節婦記○正德郡志

甯善生妻鄧氏南城人

自幼貞淑既笄父遴選得善生善生卒鄧氏年二十五

男方四歲姑亦年老鄧撫子養姑守節十八年節婦記○正德郡志

郡志

鄭道常妻藍氏南城人

自笄歸道常甫三載道常客死南海禩歸藍氏號泣若

將自殞盡力襄事矢心不更他適檢封嚴素撰墓志結髮恨無

天其老矢志惟有月同孤進士杜庠詩俱正德郡志

萬寬妻潘氏南城人

年二十餘歲而失良人子文勉誕方踰月矢不二嗚

呱以守閱歷寒暑孝事舅姑以子婦道自盡陶沂撰慈順樓記○

正德郡志

龔節妻章氏南城人

年十六歸龔執婦道未幾夫以疾卒遺腹子曰餘慶姑

以銀錠十餘實白盤中執以探婦曰而欲他適耶願取

此以終餘年耶姑言未已擲盤於地曰所不與龔恪守

者有如此盤卒踐其言正德郡志

●樊節婦鄧氏南城人

嫠居時年纔踰二紀後壽躋七袞慈節堂聯句云飄風

走石直顛喬蒲石軒顛頽貞桃冷鳳蕭魯泉四越月圓珠吐

蚌鏡潭一經星殞棘安鶴東厓春冰牢落膏畚秀水渠烈火清

溫羨王燒冷泉令德有光名教勸可憐時宰立中朝石泉聯勝

集○正德郡志

黃球妻羅氏南城人

球卒時羅年二十四事姑育孤綽有禮度循循步趨乍

見之者咸目之爲處子○撫膺無計起良人誓死當年

一醮身燈伴更籌形影子愴深時序淚痕新貞心不共

青春改潔操還應白璧倫食報于今端不薄子成沾命

足承禮參議黃清挽詩正德郡志

黃繪妻饒氏南城人

事繼姑能孝雖粒果必稟姑命年二十七繪喪遺孤半

歲辛苦撫抱尋亦喪富民王氏聞貌且賢以重金誘娶

遂引刀斷髮髮生復斷至死猶鬢禿以誓不二何屋文正德

郡志

劉文英妻黃氏南城人

夫死時年二十矢志守節勤織紉孝舅姑育孤子于立
居孀三十餘年無微玷邑令高齊南奏聞旌表豎坊曰

龍光昭節

南城縣志

李欽三妻徐氏

南城人

年十八婚月餘而欽喪遂偃赴水姑覺而救之後歸寧
毋間以他姓之富諷之徐不答悉取資粧衣帛焚于中
堂求自盡衆為悚息會族火徐獨閉門死守須臾火滅
去時以為正氣之感

正德郡志

李滔妻黃氏

南城人

年十九滔喪無子矢志自守寒餼俱廢歸寧母家值設
戲為樂遂深避別室姨妹強之竟不出滔弟亦喪遺孤
隨毋出嫁黃盡力贖歸存其祀縣令鄒堯臣題旌未報

而卒

嘉靖郡志

生員胡源妻上官氏

南城千戶所人

官幼孤母以源貧欲改議官不可及歸執婦道姑疾劇
判膊煎湯以進獲蘇踰年姑卒官盡發所藏送終舅亦
多病官每候其聲容志意而預為之所無不當意年二

十六而卒郡邑表為直孝

正德郡志

列女

饒璋妻傅氏

南城人

璋卒傅年二十遺孤半歲多疾姑泣告之曰此未足恃

也毋貽後悔卽齧指滴血與姑盟聞母氏欲爲之謀遂

與母絕辛苦訓孤卒能成立

正德郡志

生員曾寅妻葉氏

南城人

年二十六孀居無子撫前室鄒氏之子如已出或諷之

嫁卽刺左目以自誓年八十七而卒

南城縣志

張梓妻王氏

南城人

夫死氏年十八遺腹生子誓志靡他有貴公子欲娶之

數求自盡已而家貧子死堅持不變其媳徐氏感之亦

相從守死范公涑表其閼

時同里胡氏聞表節婦之間感歎志益礪云萬曆郡志

生員范炳妻張氏○生員范柳妻王氏

勅建貞節坊俱在郡城南關

生員吳繼宗妻梅氏

勅建節孝坊在郡城北

謝勝華妻朱氏

南豐人

勝華早逝朱氏時年二十六子幼家貧躬織紉以養老

姑壬辰兵變歷難危不少變姑沒哀甚遂喪明正統三

年旌表

舊志

曾子慶妻唐氏

南豐人

年十九歸慶甫二載夫卒日有號泣摧毀骨立父母哀其無子早寡且無舅姑欲奪其節唐以死誓惟以蚕績周其身時人義而哀之舊志青燈夜雨風聲厲耿耿愁懷

哀不寐雙親憐寡欲重婚操刃殘軀死為誓處士吳清詩

傳志華妻譚氏南豐人

年十九適志華閱九月而志華卒顯居孀守節事舅姑益謹父娶繼母悍戾譖逐諸子顯因歸諫憾之謀奪其志密聘鄉人戚姓者而顯不覺一日誘之歸寧見戚儀粧具請期意必為已哭謂父曰夫死肉未寒何忍為禽獸之行乎事亟遂潛匿樓複壁中水漿不進者累日知府謝士元撰本傳

羅以謙妻胡氏南豐人

以謙之官南充遣人迎胡至野猪崖石隘灘險水激風怒舟弗能支而覆胡抱楫浮沉將及岸舟人欲援以手胡輒引去遂死焉越二旬餘得其屍膚體儼然顏色不變

編脩朱絃撰墓表

丘 宏妻儲氏南豐人

正德間流賊猝至宏方卧病度不免自赴水死妻隨之

牽裳而溺焉

劉朴妻胡氏

南豐人

年十七于歸時朴病已篤僅侍湯藥一月而喪舅姑亦繼喪家貧獨守一室幾五十年親族一無所依苦節凜然縣令向縞請旌未報卒

正德郡志

吳福受妻傅氏

南豐人

年二十六而夫喪無子伶仃孀苦旦夕代族紡績日啜粥二合且留餘以飼雞雛積三十年置棺一具復卧其上以待斃親族或有饋遺亦不苟受嘗曰吾偷生未亡

足矣敢厚自奉耶

正德郡志

譚愈量妻鄧氏

南豐人

年十九夫喪誓欲持節毋憐而切說之鄧怒斷一指以見志撫侄為嗣婦德備至宗黨賢之

舊志

吳孔禮妻李氏

南豐

年十九生子六月而夫喪家極貧舅姑與子繼喪母哀勸之改適遂斷髮以誓族黨鮮接其言貌者所居不蔽風雨族婦強歸同室謝曰此吾夫疇昔所共去之是去吾夫也聞者謂其知禮

正德郡志

鄒燦妻王氏 南豐人

年二十五夫死預砌雙墳以死自誓事繼姑甚謹隣里

稱其孝節 南豐縣志

朱鎧妻曾氏 南豐人

初嫁能執婦禮夫卒遺腹三月不出戶庭宗隣罕聞其

聲縣扁其門口完節 新城縣志

李望妻徐氏 南豐人

年二十夫卒遺孤十月事舅姑以敬養遭家顛沛拮据

支撐居孀六十年子竟成立 南豐縣志

趙從顯妻熊氏 南豐人

顯卒熊年二十四遺男世和甫週斷指自誓杜門紡績

孀居六十餘年世和卒妻李氏年二十五遺男令錫二

歲姑媳同處一室矢志不二哭至喪明令錫卒妻符氏

年二十七遺男子儀二歲孝養重幃三世養孤共守一

藁 南豐縣志

趙從傳妻李氏 南豐人

年二十夫卒長男三歲幼甫四月母氏懼女之終苦論

嫁之遂剪髮跣足撫恤二孤綢繆家計俱獲成立享年

九十三而卒

南豐縣志

傅 暄妻劉氏

南豐人

夫病割股求救既死數日不食遺孤甫週多病恐其不育或勸之嫁乃自廢兩目誓無他志苦節六十餘年卒

南豐縣志

元惟太妻丁氏

南豐人

年二十夫卒子半歲產薄姑老矢志不渝年踰七十苦

節而終

南豐縣志

劉檜妻上官氏

南豐人

夫死遺孤芳尚幼外氏欲奪之刻志堅守訓子苦讀後

登歲薦

南豐縣志

李顯高妻崔氏

南豐人

幼慧通小學夫卒遺孤朝宸紡績鬻釵教育其子舉賢

科

南豐縣志

鄧 洪妻艾氏

南豐人

二十二歲夫卒遺子一歲母欲奪其節艾哭踴幾絕剪

髮誓死編衣蓬首孝養舅姑年七十而卒

南豐縣志

謝 泌妻侯氏

南豐人

年十八家貧事姑孝劫盜起焚里舍殺人遠近逃避姑疾篤不能去侯氏號泣姑側盜逼之侯曰寧死不從盜揮刃流血仆溝中賊退漸甦見一篋發視皆金珠族婦以為已物候悉歸之後夫與姑俱亡子幼父母欲改之侯曰寧恐貧養子雖餓死亦命也

一統志

贈文林郎譚良謨妻符氏

南豐人

萬曆甲寅年題請建坊旌表

贈中書舍人鄧廷盛妻■氏

天啓六年題請建孟母高風坊

涂文郁妻潘氏

新城人

文郁卒潘氏時年二十九晝夜號泣期於自盡其姑慰解之曰吾婦遺腹有子願節哀以存宗祀無為死傷生也生子甫踰月不育潘每哭成疾一年而始瘥去華飾

堅守志節者凡四十年而卒

舊志

涂欽妻黃氏

新城人

欽登進士任乳源丞覆舟而死黃氏聞訃哀毀骨立誓不改節教子順古甲申進士官禮部主事姆儀在人間至今言必及之

舊志

君子以夫人具三從四德而不忝所

生承夫之家而大其業貞也事夫之親而不違志教子而世其官孝也婦道之備豈惟睦族宜家而已實有係

於風教類其堂楮曰貞孝

何軻齋撰
貞孝堂記

潘用吉妻黃氏

新城人

用吉死黃氏時年二十三矢志守節終始不渝鄉人賢

之相率狀其事於有司轉聞禮部下覈實未報年六十

八而卒

舊志

孺人曰使吾棄孤而他適於母則非慈於妻

則非貞吾身其辱矣吾孤其危矣既辱且危則凶害吾

其莫追矣吾何忍為哉

何朝舉撰
貞節堂記

周廷瑞妻趙氏

新城人

自幼有懿德及長歸廷瑞以疾卒趙氏時年二十五孀

居以禮自律無可指議者凡六十年

舊志

丁壽章妻鄧氏

新城人

歸章五載而寡鄧氏時年一十九父母欲奪更適鄧妻

然泣下日審如是未亡人異日何以見夫君於地下乎

自是足不外履身不飾華孀居以志自勵者凡四十八

年

舊志

江用瀆妻敖氏

新城人

用瀆早喪敖氏時年一十九哀毀若將自絕雖以親欲奪嫁而終不改其志且曰夫死背之不義親老棄之不孝遂孝養舅姑始終一節鄉人至于今稱之年六十五卒

黃昇妻許氏

新城人

年二十昇喪無子家貧或逼之嫁以規利許乃悉償其夫遺田三畝預備凶事以絕衆望衆遂讎之聽其饑寒初有繼子尋亦背去處之恬然恃一婢以共朝夕邑寡居者爭迎致飲食之

正德邵志

潘浩妻楊氏

新城人

年二十三而寡一子尚在襁褓父母憐其年少無所托揚去鉛飾以死自誓躬紡績以終

新城縣志

李用和妻黃氏

新城人

夫卒黃年二十有六子生二歲家復貧母怜其苦或諷之誓死不二及子卒撫教孫泉以老孀居五十年貞白

無玷

新城縣志

程昊妻楊氏

新城人

昊沒一子復天事舅姑妯娌長幼曲盡其道守志三十

七年而卒

新城縣志

李孝德妻張氏

新城人

年二十一夫卒一子曰鍾父母憐其少寡欲嫁之即引刀自斷其指示無他志勤女紅教孤子娶居四十七年

鍾登歲薦

新城縣志

丘壽緣妻包氏

新城人

年二十九喪夫無嗣姑憐之諷以更適乃蓬垢自誓曰夫既失望奚以生為欲自盡姑每慰解遂忍死事姑以終身

新城縣志

楊彬二妻孔氏

新城人

年二十六夫亡無子遺二女或以輕塵弱草諷之哭曰吾寧為楊家婦而死操持益勵撫二女閨門嚴肅雖親屬罕見其面

新城縣志

新城縣志

潘遠妻朱氏

新城人

年二十五夫亡子甫半歲益自勤勵事織紉孝養奉舅

姑縣題其堂曰節孝

新城縣志

鄧墳母徐氏妻王氏

新城人

年二十三夫亡墳始半歲徐守志不二墳長娶王氏閨

賊犯南市掠二婦以去至水尾洲賊欲殺徐以逼王徐

罵賊而王抱姑哭俱死之縣立雙烈祠表之新城縣志

劉喬楠妻陳氏新城人

夫病篤割股和藥以進既沒哀毀幾絕自是寢舊簣不

釋足不及中庭族婦或邀以佛會竟不往縣表其堂曰

貞節新城縣志

黃琦妻饒氏新城人

夫卒舅姑皆耄竭力奉養自甘淡素撫育三子及長子

次子繼喪又撫教諸孫克有成立新城縣志

羅子瑟妻潘氏新城人

夫病篤止妾一子五歲頽潘氏曰以是孱弱若之何保

之潘嚙指出血指天自誓居喪哀毀成疾父母憐之諷

以改適曰吾忍死為孤耳今逼我有死而已自是素衣

淡食撫孤成立新城縣志

生員江淪妻黃氏新城人

淪以勤學致疾而死黃時年二十七含辛茹苦撫育二

孤不出中庭雖子姓罕見其面孀居四十一年而卒新城

縣志

生員徐 寨妻江氏 新城人

年二十八夫喪舅年九十動履惟艱有失火亟呼童先

負舅以出舅所燬衣物江次第補給不以他語繼姑稱

難事委曲順奉獨得其懽心 新城縣志

李 濱妻鄒氏 新城人

歸濱十有八月而濱死止生一女姑欲嫁之窘遂不從

致箠詬限制飲食乃携女依母紡績自給聞姑病即往

歸侍湯藥姑感而留之為之立後 新城縣志

胡仲瑛母裘氏李氏 新城人

夫喪妾李氏有遺腹時裘年二十七李年二十一矢心

守節協力持家仲瑛生保顧如一孤燈其績以待其成

導以謙慎恪守前業縣表堂曰雙節 新城縣志

舉人何 燮妻徐氏 新城人

幼時父病割股和粥及長歸舉人何燮繼姑性嚴善事

之年三十四而夫卒遺子三人屋其季也竭力訓課屋

遂舉進士為名賢 正德郡志

李伯誠妻朱氏 新城人

生一子而夫病革語曰親老子幼柰何朱泣謝去粧飾

誓不改節家貧益守淡素紡績以養舅姑撫子成立孀

居五十年而終新城縣志

孔弘乾妻鄭氏新城人

年十八適乾繼姑性嚴事之曲至乾卒無子誓不改適

為匹壙預勤其名墓石逾十九年叔始生次子聞易鄭

撫以為嗣鞠教婚讀致罄其家無愠色勵子力學以賢

科顯新城縣志

鄧禎妻江氏新城人

寡而無子撫二女績紉為活奉姑勤敬立侄應宿為後

宿多子女歲時外賈江勤女紅以給之稱苦節云萬曆郡志

陳希溫妻劉氏廣昌人

夫死時年二十五其貧守志誓不二醮有司奏聞旌表

正德郡志

吳世昌妻劉氏廣昌人

年十九適世昌世昌歿無子劉拔髮納棺中誓不改節

卒如其言景泰年旌表○年纔四十夫痛患與夫誓以

其同死拔髮納棺鐵石心慟哭何常聞朝暮千哭萬哭

夫不歸寒雲野草皆妻其光陰遞轉無停機只今殘髮

成銀絲生順死安其庶幾清風千古敦民彝何東園詩 正統郡志

何本容妻聶氏廣昌人御 史聶女

年十六配本容本容病聶割股救治食寢俱忘及容卒

哭聲欲絕聞者咸哀終身無瑕玷景泰三年旌其門正德

郡志

捐瑣妻黃氏子德妻楊氏廣昌人

瑣卒黃年二十六家貧績紡以給食子德娶楊氏生一

女德卒楊年二十三姑媳孀居三十餘年貞潔無玷知

縣趙昂為立雙節坊正德 郡志

賴益宗妻黃氏廣昌人

年十七歸益宗生一女而宗卒黃哀毀瘠立善事舅姑

貞節垂白正德 郡志

揭頊妻黃氏廣昌人同 知黃疇女

年十六歸頊五十日而夫亡誓不再嫁終身無微玷正德

郡志

嚴子淵妻劉氏廣昌人

及笄歸子淵子淵疾臨終囑劉勿再適劉日遺孤無托

不然當相從于地下何以再適為卒蹈其言正德 郡志

揭文誠妻何氏

廣昌人尚書何喬新女

文誠卒何年二十一撫釧為嗣衣簏茹淡歷二十年如

一日

正德郡志

王彥冠妻黃氏

廣昌人

孀年十七一載而彥冠病亟語黃曰我死汝自圖黃泣
目脫不幸寧死不適人也彥冠卒黃恐死襄事擇猶子
沼以繼經理家事一唯勤儉是圖而訓嗣有法終身言
不出閫年七十嘗遇流賊泣訴平生賊憐之并釋其孫

正德郡志

生員李

鐸妻黃氏

廣昌人

適鐸期年而鐸卒年十七家無擔石矢志自守環堵一
室不蔽風雨育雞豚績藤苧以給朝夕歷四十年如一

日

正德郡志

何銅妻黃氏

廣昌人

夫卒時年二十二無子而貧紡績為活歷艱四十年初

志益堅

正德郡志

生員魏雲程妻曾氏

廣昌人

程卒氏年十九哀撫二子素食衰衣終身不出庭戶值

歲歉績蘇易粟以養老姑而自甘抱餒人咸推爲節孝

正德 郡志

黃 寵妻賴氏 廣昌人

夫卒賴年十六事姑如母一日採蔬山圃虎蹲踞微爪其膝而去姑見血流拜天祝曰脫有不幸願以身代賴

日苟得終事姑卽更克虎腹奚憾焉賴果獲安踰月而

姑卒人以爲慈孝格于猛虎 正德 郡志

生員聶時秀妻何氏 廣昌人 何喬壽女

秀卒何哀毀誓志奉老姑愉愉敬順訓諸子卓有立成

廣昌 縣志

李子玉妻姜氏 廣昌人

玉世單傳及卒子昇輩俱幼姜慟哭誓不葷酒門戶艱苦歲以身任課昇舉業比貢而官姜猶及見之年九十

餘而終 廣昌 縣志

葉伯願妻揭氏 廣昌人

適願八載而願沒揭哭于墓淚常流血竟以貞一而終

廣昌 縣志

劉 敏妻揭氏 廣昌人

年十六歸敏七月而敏卒哀毀滅性既葬夫之姊夫黃
姓者利其產計逼改嫁貞操益固孀居六十年而卒

縣志

王彥哲妻何氏

廣昌人

嫁十月而哲死哭之凝血遺腹女生誓不二志守節六

十年木榻不徙垂絕之有天星晴燦忽烈風雨震屋而

過人咸以為正氣之歸云

廣昌縣志

何廣仁妻傅氏子弘道妻高氏孫松壽妻幸氏

俱廣昌人

傳嬪於何年二十五而廣仁卒遺腹生弘道娶高氏二

年方姪而弘道卒高年二十二亦遺腹生松壽姑媳同寢

處育遺孤松壽娶幸氏生子節節二歲松壽亦卒幸養

祖姑及姑盡全節而沒

廣昌縣志

揭文浩妻季氏

廣昌人

浩染疾不起謂季曰我死無兒汝何以自處季泣對曰

自處義無二不敢為君辱浩卒績蔴以自給惟恐墜夫

家之產擇侄為嗣歷年七十八而米藥之行無瑕

廣昌縣志

吳光翰妻何氏

廣昌人何喬壽女

婉順事姑夫病即剪左臂以和藥既卒哀痛屢絕姑諭

之曰汝有遺腹而不虞如宗祧何乃勉自寬生子瑀勵
搽紡績以撫遺孤竟底成立享年七十有五

廣昌縣志

生員李昌祐妻饒氏

廣昌人

祐卒觸棺求殉姑諭之曰三子尚在遂感悟矢志撫孤
初祐以書苦邁疾遺命曰我後其無效我饒曰吾從治
命耳擇師友勤課督後其子春芳春融春和俱大有成
立衆其賢之婦之育孤者每以育之爲難遂未免恩勝
而過慈多敗往往而有饒獨從治命克承遺志慈而能
訓其有得于孟母之遺意云

正德郡志

高一元妻易氏

廣昌人有坊奉旨旌表

年十九適元元卒易剪髮納棺矢志教子嘗曰吾恐死
不翁從者爲若也子任領鄉薦陳情隆慶六年禮部陸
具題奉旨旌表

劉承恩妻賴氏

廣昌人累封贈太淑人勅建坊旌表

夫承恩歿賴年二十九矢操不二養庶姑撫前子曲盡
其道課所生三子位伸化俱顯名勅賜建貞節坊享年
八十三

吳履貞妻何氏

廣昌人舉人何沅女建坊旌表

歸六載夫歿守節以婦道兼子職以母儀兼師資子康

侯由歲貢特賜進士第一授禮部主事陳情建坊旌表

羅萬鍾妻黃氏女羅氏 廣昌人有坊 奏請旌表

黃必登女年十七歸羅踰五年羅天憊一女立嗣持其

家事翁訓嗣克守先業巡方奏請建坊旌表女愛壽十

五歸劉君顯劉所誦尚書悉其手錄舉一女而夫天夫

天之年與父同羅哀痛迫切誓以身殉亦與母同也曹

始為作雙節傳曰予交黃大坎父子知其能文家庭往相師法茲復知有黃氏母女雙節其母女亦相師法耶易節兌下坎上甘苦半之茲其女皆節重坎也而其若節又兌為麗澤故予謂其母女相師法如此

孫 瑞妻李氏 瀘溪人

夫卒李年十七子甫襁褓家貧苦節每授大義自守後

子應縣役于道獲私鹽數觔問所從來以實對呵其不

義傾之溝中其教子類若此凡居孀六十有二年 瀘溪縣志

傅 銓妻蕭氏 瀘溪人

年二十夫喪遺二孤矢志不二踰年一孤塲家益貧守

益勵日勤紡績以資衣食其次復歿止遺一孫濡洙課

讀致其樹立立艱辛五十餘年縣扁其門日節慈 瀘溪縣志

生員傅 灤妻趙氏 瀘溪人

夫病淋疾日夕扶持衣不解帶及喪號哭踰度父母強其歸寧富商劉欽賂媒求娶乃閉室自縊救免遂歸夫

氏姑性嚴毅趙愈憤勵自持南城縣志

孫澧七妻張氏瀘溪人

年十八澧死家人欲奪其志即不食誓無二心既數年

疫大作姑舅伯叔相繼喪張罄家治具靡不如禮時家

無子遺而張以一人克延孫後享年七十有六瀘溪縣志

生員孫 鏗妻李氏瀘溪人勅建貞節坊在郡城南



